

**Ang Tiunayng Pakig-ambitay sa Kaiglesiahan
alang sa Organicong Relasyon Nila**

Basahong Kasulatan: Bug. 22:1; Buh. 2:42; 1 Cor. 10:16-18; 2 Cor. 13:14; Fil. 2:1; 1 Juan 1:3, 7

I. Makakita ug moapil gyod unta ta sa tiunayng pakig-ambitay sa kaiglesiahan:

- A. Ang pakig-ambitay mao ang pag-agay sa kinabuhing dayon sulod sa, pinaagi sa, ug diha sa tanang bahin sa organicong Lawas ni Cristo; gihulagway kini sa pag-agay sa tubig sa kinabuhi gikan sa trono sa Dios ug sa Cordero sa Bag-ong Jerusalem—Bug. 22:1.
- B. Maingon nga naay sirkulasyon sa dugo sa lawas sa tawo, naay sirkulasyon sab sa Lawas ni Cristo nga ginganlan sa Bag-ong Tugon og panag-ambitay—1 Juan 3, 7.
- C. Ang pakig-ambitay sa Lawas ni Cristo, nga mao ang pakig-ambitay diha sa kaiglesiahan, mao ang pakig-ambitay sa mga apostol—Buh. 2:42; 1 Juan 1:3:
 - 1. Naggikan sa pagtulon-an ang pakig-ambitay; kon manudlo tag sayop o lahi ba sa pagtulon-an sa mga apostol, sa pagtulon-an sa pamatigayon sa Dios, makamugnag iya-sa-sekta ug mabahinbahinong pakig-ambitay ang pagtulon-an nato—Buh. 2:42; 1 Tim. 1:3-6; 6:3-4; 2 Cor. 3:8-9; 5:18:
 - a. Makamugnag pakig-ambitay ang pagtulon-an, ug naggikan sa pagtulon-an ang pakig-ambitay—1 Cor. 4:17; 1:9; 10:16.
 - b. Sa pahiuili sa Ginoo karon, naa ta sa pagtulon-an ug sa pakig-ambitay sa mga apostol—Buh. 2:42.
 - 2. Ang makig-ambitay sa Tulo-usang Dios diha sa pakig-ambitay sa mga apostol pagpadaplin man sa kaugalingon natong mga interes ug pagduyog sa mga apostol ug sa Tulo-usang Dios aron magtuman sa Iyang tuyo—Fil. 4:14; 2:1; Buh. 2:42; 1 Juan 1:3; 1 Cor. 1:9; 3:6, 12.
- D. Tinagik nga pakig-ambitay ang usang diosnong pakig-ambitay—natagik ang pababag nga pakig-ambitay sa patindog nga pakig-ambitay:
 - 1. Ang unang nasinati sa mga apostol mao ang patindog nga pakig-ambitay uban sa Amahan ug sa Iyang Anak, nga si Jesucristo, apan sa dihang gipahibalo na sa mga apostol sa uban ang kinabuhing dayon, nasinati nila ang pababag nga aspeto sa diosnong pakig-ambitay—1 Juan 1:2-3; itandi sa Buh. 2:42.
 - 2. Ang pababag nga pakig-ambitay nato sa mga balaan maghatod nato sa patindog nga pakig-ambitay sa Ginoo; unya ang patindog nga pakig-ambitay nato sa Ginoo maghatod nato sa pababag nga pakig-ambitay sa mga balaan.
 - a. Makaapil ta sa patindog nga aspeto sa diosnong pakig-ambitay pinaagi sa diosnong Espiritu, sa Espiritu Santo; nagpasabot kining aspetoha sa pakig-ambitay sa pakig-ambitay nato sa Tulo-usang Dios sa paghigugma nato Niya—2 Cor. 13:14; 1 Juan 1:3, 6; Mar. 12:30.
 - b. Makaapil ta sa pababag (horizontal) nga aspeto sa diosnong pakig-ambitay pinaagi sa tawhanong espiritu; nagpasabot ang pababag nga aspeto sa pakig-ambitay sa pakig-ambitay nato sa usag usa sa paggamit nato sa atong espiritu sa paghigugma nato sa usag usa—Fil. 2:1; Bug. 1:10; 1 Juan 1:2-3, 7; 1 Cor. 16:18; Mar. 12:31; Rom. 13:8-10; Gal. 5:13-15.
 - 3. Ning diosnong pakig-ambitay matagik ang Dios kanato; kining panagtagik maoy panagsagol sa Dios ug tawo nga magdala sa diosnong pagkamao nganha sa espirituhanong pagkatawo nato aron motubo ug matransporma ta sa kinabuhi—Lev. 2:4-5.

- E. Labing importante gyod sa Cristohanong kinabuhi ang diosnong pakig-ambitay:
 1. Maingon nga ang koryente mao ang elektrisidad mismo, ang pakig-ambitay sa diosnong kinabuhi, ang agay sa diosnong kinabuhi, mao ang diosnong kinabuhi mismo.
 2. Kon mawala ang pakig-ambitay, mawala sab ang Dios; moabot ang Dios ingog pakig-ambitay—2 Cor. 13:14; Bug. 22:1.

II. Makakita ug moapil gyod unta ta sa organicong relasyon sa kaiglesiahan; kini ang bugtong-talagsaong relasyon sa bugtong-talagsaong iglesia (ang unibersohanong iglesia nga inumol sa tanang iglesia lokal)—nagpasabot “ang iglesia” sa 1 Corinto 12:28 sa unibersohanon ug lokal nga mga aspeto niini:

- A. Kining organicong relasyon bugtong-talagsaon ug unibersohanong gibatasan diha sa tanang iglesia lokal nga bugtong-talagsaon, organicong Lawas ni Cristo—2 Cor. 13:14; 1 Juan 1:3, 7.
- B. Usang iglesia ang tanang iglesia lokal; gibasi sa organicong pakig-ambitay sa diosnong kinabuhi ang organicong relasyon nila; walay organisasyon diha sa tanang kaiglesiahan nga nag-umol sa usang unibersohanong Lawas ni Cristo, apan naay pakig-ambitay sa Lawas ni Cristo—Fil. 1:5; itandi sa Buh. 9:31.
- C. Dili gyod unta maghunahuna ang iglesia sa usa ka lokalidad nga wala silay labot sa iglesia sa usa pa ka lokalidad; naa na kanato kining tiunayng sayop nga pagkaamgo ug lahing pagtulon-an sa bulag, makinaugalingong relasyon sa kaiglesiahan; nakaingon og mga pagbahinbahin kining sayop ug lahing pagtulon-an.
- D. Gibasi ang pahiuli sa Ginoo sa kamatuoran nga usa ra ang Lawas ni Cristo, nga napadayag sa daghang lokalidad isip mga iglesia lokal; kay usa ra man ang Espiritu, usa ra sab ang Lawas, ug usa ra ang sirkulasyon sa kinabuhi diha sa Lawas; kining sirkulasyona mao ang pakig-ambitay sa Lawas ni Cristo, nga mao ang pakig-ambitay diha sa kaiglesiahan—Efe. 1:22-23; 4:4-6; 1 Juan 1:3, 7; Bug. 1:11.
- E. Bahin sa bugtong-talagsaong Lawas ni Cristo ang iglesia lokal, ug usa ra sa uniberso ang pakig-ambitay sa Lawas ni Cristo; diha sa diosnong pakig-ambitay, wala gyoy panagbulag—Bug. 1:11; 2:7:
 1. Wala gyod untay iglesia o rehiyon ba nga maghiklin sa iyang kaugalingon sa pakig-ambitay sa Lawas; kangitngit, kagubot, pagkabahin, ug kamatayon ang resulta nianang iglesia o rehiyon ba nga maghiklin sa kaugalingon niini sa pakig-ambitay sa Lawas ni Cristo.
 2. Kon ihiklin nato ang atong kaugalingon sa pakig-ambitay sa Lawas, dili ta takos moambit sa panihapon sa Ginoo, kay nagtimaan man sa tibuok Lawas ni Cristo ang tinapay sa talad sa panihapon sa Ginoo—1 Cor. 10:16-17; 11:25-28.

III. Ang diosnong pakig-ambitay maoy realidad sa pagkinabuhi diha sa Lawas ni Cristo diha sa pagkausa sa Espiritu—1:9; 10:16-18; 12:12-13, 27; Buh. 2:42; Efe. 4:3:

- A. Magsakot nato ang diosnong pakig-ambitay, sa ato pa, magpahiangay, magharmoniya, magpahaom, ug magsagol nato nga usa ka Lawas—1 Cor. 10:17; 12:24-25:
 1. Ang masakot pag-usa kana mang moagi sa krus ug mobuhat sa tanan pinaagi sa Espiritu aron ipaambit si Cristo sa uban tungod og alang sa Lawas ni Cristo—itandi sa 2 Cron. 1:10.
 2. Dili gyod ta mobuhat og bisan unsa nga dili makig-ambitay sa ubang balaan nga nakigtambayayongay nato; nagsugo nato ang pakig-ambitay nga mohunong ta sa naa na tay buot buhaton—itandi sa Ezeq. 1:11-14.
- B. Sa pagpalimiti nato sa diosnong pakig-ambitay, maampingan sa pagkausa ang Lawas ni Cristo, ug magpadayon ang buhat sa pagpangalagad; ang pakig-ambitay maoy makapabuhi sa tanang butang—Efe. 4:11-12; itandi sa Ezeq. 47:9.

- C. Moawat gyod ta sa apostol sa pagdala sa mga iglesia lokal sa pakig-ambitay sa Lawas ni Cristo, ug mosunod sa ginawian sa apostol sa pagdala sa tanang balaan sa nakigsakot nga kinabuhi sa tibuok Lawas ni Cristo—Rom. 14:3; 15:7-9; 25-33; cap. 16.
- D. Duna gyod unta tay realidad sa pakig-ambitay ug panagsakot sa Lawas ni Cristo; kay kon wala, bisan unsa pa kamainiton ang pagpursigir nato ug bisan unsa pa ta kayano ug kamapaubsanon, sa madali o madugay mahitabo gyod ang mga problema, mga pagbahinbahin man ngani, diha nato.
- E. Ang tuyo sa panagsakot paghatod man kanatong tanan sa realidad sa Lawas ni Cristo; gimahal nato ang mga iglesia lokal tungod sa usa ka tuyo—maanaa gyod ta sa mga iglesia lokal nga maoy paagi nga maghatod nato sa realidad sa Lawas ni Cristo.